

「國家社會科學基金重大項目」

何建明 主編

中國地方志
佛道教文獻匯纂

人物卷

(17)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(17)



國家圖書館出版社

中國地方志佛道教文獻匯纂·人物卷
上海市

續修楓涇小志

清·程兼善纂

清宣統三年（一九一）鉛印本

方外

梁

張半山蜀人天監元年來鎮指仁濟道院址曰此福地若建道
院民安物阜居民不之信夜聞鐘鼓聲異之因捐資建院道
風大振

唐

德誠常乘小舟往來松江洙涇以綸釣度日因呼船子和尙妙
常庵經兵燹綱索挹其道化結廬請居而斯庵藉興著有撥

棹歌二十九首呂益柔序而刻之

善興志

宋

契嵩滕州人著原教論韓琦歐陽修等皆尊禮之嘉祐中陳舜

俞捨宅爲光德庵延嵩焚修其中熙寧四年說偈曰後夜月

初明吾今喜獨行不學大梅老貧聞碩鼠聲立化去

稿本
藏

朱太初仁濟羽士也宋高宗以太初修薦皇妹齋事畢賜田五

十畝供高王廟祀

明

許拱盟修真仁濟道院巡撫侍郎周文襄公忱以其誠恪每過

輒艤舟與譚元理稱其行真道熟爲羽流中翹楚

節書
志

尹蓬頭佚其名寓仁濟道院精通郭璞書卜宅兆相陰陽每有

奇應得仙人指授後騎鐵鶴而去里人願遜有詩紀之

普明字寂照鎮東闕氏子人呼闕和尚披薙妙常庵後居杭之

西山每靜坐蛇鼠鳥雀嬉其前客至輒納諸懷以衣覆之晚年歸庵嘗語弟子曰待桂子香我西遊也至期弟子來送明方持帚掃地曰汝不來我幾忘矣遂鳴鐘集衆作偈而化茶毗時火光五色香聞數里獨舌不灰人咸異之馮猶龍袁黃

各有碑記

元志參贊
元修疏

真可字達觀號紫柏禪師吳江沈氏子書居光德庵五歲不語有異僧過其門摩頂謂之曰此兒出家當爲人天師曾訖不見遂能言兒時志氣雄放行腳四方萬曆壬辰至石經山得佛舍利玉函聞於慈聖太后賜紫伽黎迎供後妖書獄起以旨者波及逮入詔獄當事欲中以法真可聞之謂侍者曰吾去矣索浴說偈而逝著有紫柏老人集十五卷行世

晚唐詩陳

方明

號石雨

字石雨號佛日靜慧禪師俗姓陳奉賢鄉人幼

讀書了大義父母沒投法相西生師燿染一日念佛甚切忽

擲魚子笑曰不特西方可生東方亦可生矣師曰未是汝到

家處已隨本師參雲門得力付斷拂一枝自號斷拂子嗣爲

嗣宗三十三代繼謁黃蘗有禪師有闍邪說傳於叢林

修齊故

國朝

朱潛修字養真玉虛觀道士也濟惠臨邪屢有功德康熙二十

三年里人爲具稟張真人府封土地真官

本冲字息庵四明楊氏子母夢老衲授橘而孕少至孝性穎悟

明天啓丙戌依天童宏覺燿度受具編參叢席主五峯寺衲

子壽應移錫般若園後住鎮西四明庵康熙四十四年南

巡迎 駕雲間 召對稱 旨 恩賜優渥其謝表云臣僧
生年八十有三分至愚濫竽禪席恭遇 聖駕南巡 駐
蹕松江伏惟我 皇上仁孝聖慈永思 世祖章皇帝因念
宏覺先師遂及臣僧本冲與行滿於三月二十八日 召見
賜坐 賜茶 御製詩扇二十九日同進 行宮蒙 皇
上賜齋後 賜臣僧本冲 御書性覺寺匾額淨域長齡匾
額擬對聯一副經卷三部四月初一日臣僧自楓涇送 聖
駕至嘉興蒙 諭侍臣引臣僧過 御舟 賜硃一方 天
語眷注至隆至渥真千載罕有之遇臣僧衰邁無狀獲此異
數退自思維汗流浹背不知所從惟有頂禮 宸書花雨護
龍迴鳳翥珍藏 御製香雲擁春藻天祐祝 聖壽於無疆

新時 逕於弗替其 恩遇之隆近世少有明年秋冲沐浴

跌坐而化

漢志卷
謝表

戒開

漢志開
作開

字解三客都閱藏二次胸中自是不凡詩文短札

精倚入神亦善畫筆墨沈厚不亞惲本初其歎託名姜晉

漢志卷
謝表

際智字慧力嘗卓錫於定慧寺苦志焚修跣跣遊且募册一展

衆競檀那禪堂佛殿整頓重新智秉性高潔律行謹嚴嘗延

施斛食輒有奇驗

善志

婁近垣字明齊居惠安里爲仁濟道院羽士性警悟自教典外
博涉經史壯歲禮龍虎山事三華院道士周大經授五雷法
及丹經玉訣之秘雍正五年入都 詔命禮斗 上嘉其誠

賜字曰三臣授上清宮四品提點 欽安殿住持鑄印

賜之九年三月發內帑 命督修龍虎山上清宮十一年

詔封妙正真人住 大光明殿乾隆初 覃恩 錫三品封

典 贈近垣祖父如其秩先後 錫皆不可勝記洵不世之

榮也奉 命禱雨祈晴無不立驗故 上器重之垣雅尚冲

靜大蠶而有少壯之姿工詩瀟灑絕俗輯龍虎山志十六卷

簡明有法年八十九卒於京師之妙緣觀事 聞 賜銀百

兩治喪後其徒奉遺命葬龍虎山之富潭于文襄誌其墓

兩江
西貢
志

元德字願宏俗姓戴年四十喪偶受具於金粟石庵誦法華經
至一切維心語輒大悟癡髮性覺寺苦志焚修預知逝期跣

坐說偈而化

梵生梵香林僧苦志焚修專心淨業者五十餘年預知示寂期書偈端坐而化其徒以機字南宗黃山人善畫竹工詩著有梵香林詩鈔六卷

峨嵋岷庵僧能詩工書善鼓琴

萬年窮茶亭僧肩耒手鉢蠢蠢然縑而農者也嘗於厠間拾得銀十餘兩坐待還其人非笑者以爲獲銀不有必窮到萬年也因謂以爲號平時檢拾字紙甚勤人愛其誠多所布施以其餘散諸貧者而窮如故一日徧辭檀護曰某日納往好處去矣至期視之沐浴端坐而化

善志
天恩錄

貫庵海慧寺僧工書法能詩重建精進閣爲誦經焚修所僧四

機贈以詩云松下幽人信奇特少小業儒壯爲釋八行寫就
追晉唐七字吟成壓元白蓋紀實也

道姑俗姓陳農家子性嫺直聞鄰童習章句輒厭薄之繙梵筌
乃如素習遂爲僧住持福善庵有漂檢大賈持千金來曰爲
吾師供養乞繙楞嚴百卷問何川曰藉以鎖壓海舶風濤卻
其金爲繙經如數道光二十一年謂弟子曰大海一漚我將
逝矣遺命茶毗觀察陳大溶謂其卓行異凡僧勒石爲記

志

繡空字仰直陸氏子披薙化成庵能詩時有佳句

玉崑字覺山俗姓袁出家定慧寺嗣主登雲方丈既而飛錫金
山之靜芳庵數年會鎮北之海慧寺募修主僧延晃至發願

閉關未及三載粵寇至遂棄去辛酉春被擄入城逼令蓄髮

不屈自剄死

志六

孫久傳字仁山爲玉虛觀道士曾詣龍虎山無所遇而歸凡作祈禳事其誠可嘉遠近羽流皆尊敬之並擅背烏術

覺時字淦泉浴姓李出家定慧寺從謂仁和尙披薙師卒不願當家索居靜芳庵自甘清苦圖見西隱房蕭索乃接辦常住整頓禪規庚申之變棲託北鄉東徐廟事平仍歸西隱重建平屋三楹潔志焚修夜臥誦經仰見屋梁大放光明遂於光緒二年六月四日圓寂先三日囑徒孫祖望預備後事至期果逝

以下新纂

真通字勤參俗姓顏本故家子道光季年忽厭塵俗祝髮於

海慧寺之笑庵山房乙卯歲受戒楞嚴寺後本寺方丈乏人
住持各護法推主講席時寺已傾圯立志興修沿街叩募不
避風雨者三閱寒暑已有善信慨許施助方欲鳩工適遭庚
申之劫殿宇禪房付之一炬而此事遂不可問矣壬戌至朔
濱之澄照寺權作禪棲時軍門黃武靖公駐師其地相見契
洽命通超薦陣亡將士靈貨漸積蕩平後仍歸海慧得將林
野堂丹葵山房精進閣次第建復寺賴重興卒年六十

空航字守傳俗姓董住持定慧寺西南房遭亂後僧寮俱毀空
航積誦經資重構數楹爲駐錫所朝夕虔禮楹越信從性至
孝母老無依迎養寺中後移主城中慈雲方丈數年卒返定
慧而歿

續修楓涇小志卷十

志拾遺

里人程敘善達青重纂

拾遺

康熙中鎮南關帝廟有雲游僧掛搭其中年五十餘夏目諸無
賴避暑殿上聚而羣飲僧斥之無賴怒勢將用武僧袒其腹
曰請擊一人奮臂入陪於地衆掖之起已斷三指僧笑曰如
此伎倆亦豪橫乃爾於是相戒不敢犯閱二載僧以病歿發
其篋惟鐵椎二重可三四十觔更無他物

志

陳太學仁初艱於嗣入太白山天童寺謁天岳上人上人曰有
子無子總在寸心歸而力行善事閱三載復往上人遍召寺
中僧問曰陳善士未有嗣爾衆中有願爲其後者否一執爨

僧進曰我願往上人領之謂陳曰子歸有子矣旣而子廷敏
生幼即好趺跏坐及長以焚香掃地看花誦書爲事甲辰夏
偶患腹疾作傷曰錢塘江去是吾鄉眷屬空花枉斷腸誤把
一靈投五濁道回認得白雲莊含笑而逝

天咫
錄

裴真人近垣 靈皇帝時召入京師居 光明殿有妖人賈士

芳之鬼爲患真人爲之設醮禱祈立除其祟又在 上前結

幡招鶴頗有左驗 上喜之封妙正真人真人雖嗣道教頗

不喜言煉氣修真之法云此皆妖妄之人借以謀生耳若有

真仙向紅塵中度世也先恭王禮親王延至邸問其養生術真

人曰王今錦衣玉食仰真神仙中人席上有燒豬真人因笑

曰今日食燒豬卽絕好養生術又奚必外求哉王深服其言

曰裴公爲真學道者始能見及此也年九十餘始仙逝

補新